

Cofnodion Cyfarfod y Pwyllgor Trosolwg a Chraffu Cymunedau Ffyniannus a gynhaliwyd dros fideo-gynadledda ddydd Iau, 15 Gorffennaf 2021

YN BRESENNOL: Y Cynghorydd Marc Davies (Cadeirydd), y Cynghorwyr Clive Davies, Euros Davies, Gareth Davies, Ifan Davies, Meirion Davies, Elizabeth Evans, Keith Evans, Dai Mason, Steve Davies, Maldwyn Lewis, Lyndon Lloyd MBE, John Adams-Lewis, Rhodri Davies a John Roberts

Hefyd yn bresennol: Y Cynghorydd Dafydd Edwards a'r Cynghorydd Gareth Lloyd (Aelodau o'r Cabinet)

Swyddogion yn bresennol: Phil Jones, Rheolwr Corfforaethol: Gwasanaethau Prifffyrdd; Tony Baldwin, Arolygydd Arweiniol Prifffyrdd; Caroline Wride, Rheolwr Gwasanaeth; Rhodri Llwyd, Swyddog Arweiniol Corfforaethol: Prifffyrdd a Gwasanaethau Amgylcheddol; Lisa Evans, Swyddog Safonau a Chymorth Craffu; Dwynwen Jones, Swyddog Trosolwg a Chraffu; Lowri Edwards, Swyddog Arweiniol Corfforaethol: Gwasanaethau Democraataidd; Rhidian Jones a Lliwen Jones (Cyfieithwyr).

(10:00a.m. – 12:12pm.)

1 Ymddiheuriadau a Materion Personol

Ni chafwyd dim ymddiheuriadau.

Dymunai'r Cynghorydd Elizabeth Evans fynegi ei diolchgarwch diffuant i Peter Evans, Harbwrfeistr Aberaeron, a oedd yn ymddeol o'i swydd heddiw. Dymunodd hi'n dda iddo yn ei ymddeoliad.

Estynnodd y Cynghorydd Meirion Davies ei longyfarchiadau i'r Cynghorydd Marc Davies ar gyflawni ugain mlynedd o wasanaeth gyda'r Awdurdod Tân.

2 Datgelu Buddiannau Personol/ Buddiannau sy'n Rhagfarnu (gan gynnwys datganiadau chwipio)

Ni ddatgelwyd dim Buddiannau Personol/ Buddiannau sy'n Rhagfarnu (gan gynnwys datganiadau chwipio).

3 Cod Ymarfer ar gyfer Archwiliadau Diogelwch ar Ffyrdd Sirol a'r Ymateb

Rhoddwyd ystyriaeth i Gôd Ymarfer Cyngor Sir Ceredigion ar gyfer Archwiliadau Diogelwch ar Ffyrdd Sirol a'r Ymateb ('Cod Ymarfer') sy'n egluro'r polisi a'r safon ar gyfer cynnal archwiliadau ar y rhwydwaith prifffyrdd mabwysiedig.

Unwaith y bydd y côd wedi'i gymeradwyo, eglurodd y Swyddog y byddai angen creu trefniadau arolygu newydd. Bydd angen diweddarau Cynllun Rheoli Asedau Prifffyrdd y Gwasanaeth a'r System Rheoli Asedau, a diwygio adroddiadau'r system, yn ôl yr angen, er mwyn iddynt adlewyrchu gofynion y cod newydd.

Bydd angen hyfforddiant ar Arolygwyr Priffyrdd, Uwch-arolygwyr a Pheirianwyr. Bydd angen rhoi prosesau busnes newydd ar waith i sicrhau bod gwaith trin yn cael ei drefnu'n rhaglenni cynnal a chadw cylchol/ataliol rheolaidd a mwy cost-effeithiol, megis yn achos glanhau cwteri, trin ffosydd, patsho ac ati. Bydd rhaid datblygu cefnogaeth yr Arolygiaeth i weithgarwch gwaith stryd, gwaith gorfodi a swyddogaethau eraill ac mae'r cynigion ailstrwythuro sydd ar waith yn y Gwasanaethau Priffyrdd yn mynd i'r afael â hyn. Mae'n hollbwysig fod y gwaith o gyfrif traffig cerbydau a cherddwyr yn digwydd ar draws y rhwydwaith a bod y rhain yn cael eu hymgorffori wrth adolygu'r Cod Ymarfer yn rheolaidd.

Ar ôl trafodaeth hir, gofynnwyd i'r Aelodau ystyried yr argymhelliad canlynol:

- Bod y Cabinet yn cymeradwyo'r Cod Ymarfer ar gyfer Archwiliadau Diogelwch ar Ffyrdd Sirol a'r Ymateb 2021.

Cytunodd yr Aelodau i argymhell bod y Cabinet yn cymeradwyo'r Cod Ymarfer ar gyfer Archwiliadau Diogelwch ar Ffyrdd Sirol a'r Ymateb 2021.

- 4 Cadarnhau Cofnodion Cyfarfod y Pwyllgor a gynhaliwyd ar 26 Mai 2021 ac ystyried unrhyw faterion sy'n codi o'r Cofnodion hynny**
CYTUNWYD bod cofnodion cyfarfod y Pwyllgor a gynhaliwyd ar 26 Mai 2021 yn gywir ar yr amod y mewnosodir y canlynol:
Gweithdrefn, pwynt 1: Cadeiriodd y Cynghorydd Marc Davies y cyfarfod o 10:05am ymlaen.

- 5 Blaenraglen Waith 2021/22**
CYTUNWYD i nodi cynnwys Blaenraglen Waith 2021/22 fel y'i cyflwynwyd ar yr amod y mewnosodir yr eitemau agenda canlynol:

- Adroddiad ar ddyfodol y Parthau Diogel – gofynnodd yr Aelodau am i gyfarfod arbennig gael ei alw ynghyd i ystyried yr eitem hon a hynny cyn diwedd mis Medi 2021.
- Adroddiad ar Nitrogen a Ffosffadau – Ionawr 2022;
- Adroddiad ar Gasglu Sbwriel – Ionawr 2022;

Cadarnhawyd yng nghyfarfod y Pwyllgor a gynhaliwyd ar xxxxx